

Bosna i Hercegovina
Federacija Bosne i Hercegovine
Kanton Središnja Bosna/Srednjobosanski kanton

KANTONALNI SUD U NOVOM TRAVNIKU

Broj: 06 0 V 017101 22 V

Novi Travnik, 22.09.2022. godine

Kantonalni sud u Novom Travniku, sudija Nijaz Krnjić u vanparničnom predmetu predlagatelja A.M. sin N., nastanjen na adresi ... L., R.A., protiv protupredlagateljice M.M. rođ. Š. kći S., nastanjena na adresi ... L., R. A., radi priznanja strane sudske odluke- rješenja o sporazumnom razvodu braka, dana 22.09.2022. godine, donio je slijedeće:

RJEŠENJE

Priznaje se rješenje o sporazumnom razvodu braka Okružnog suda Linz, Republika Austrija broj: 67 C 6/22P od 15. septembra 2022. godine koja odluka je pravosnažna sa danom donošenja 15.09.2022. godine u prvom stavu izreke kojim se razvodi brak vanparničnih stranaka sklopljen dana 28.05.2016. godine pred matičnim uredom Općine Bugojno, Bosna i Hercegovina, između predlagatelja A.M., rođen ... godine u B., i protupredlagateljice M. M., rođena godine u Z., a koji brak je upisan u Matičnoj knjizi vjenčanih koja se vodi za mjesto Bugojno pod rednim brojem ... godinu.

Troškove postupka snosi predlagatelj.

Obrazloženje

Predlagatelj je neposredno ovom sudu dana 20.09.2022. godine podnio pismeni prijedlog za priznanje strane sudske odluke – rješenja o sporazumnom razvodu braka, Okružnog suda Linz, Republika Austrija broj: 67 C 6/22P od 15. septembra 2022. godine koja odluka je pravosnažna sa danom donošenja 15.09.2022. godine, a kojom je razveden brak između vanparničnih stranaka. Predlagatelj je uz prijedlog priložio stranu sudsku odluku čije se priznanje traži, prijevod strane sudske odluke od ovlaštenog sudskog tumača za njemački jezik sa područja BiH, izvod iz Matične knjige vjenčanih izdat od Matičnog ureda Općine Bugojno broj: 04/18-13-2-1807/22 od 19.09.2022. godine, izvod iz matične knjige rođenih za predlagatelja izdat od Matičnog ureda Općine Bugojno broj: 04/18-3-1-10611/22 od 19.09.2022. godine i dokaz o uplati sudske takse - uplatnicu u iznosu od 200,00 KM.

Ocjenjujući osnovanost prijedloga za priznanje strane sudske odluke o razvodu braka ovaj sud je utvrdio kako se radi o stranoj sudskoj odluci o sporazumnom razvodu braka između državljanina Bosne i Hercegovine kojom odlukom je razveden brak vanparničnih stranaka sklopljen dana 28.05.2016. godine pred matičnim uredom Općine Bugojno, Bosna i Hercegovina, da je odluka čije se priznanje traži pravosnažna sa danom donošenja od 15.09.2022. godine, da su u postupku razvoda braka sudjelovale obje stranke, odluka nije protivna odredbama Ustava BiH, radi o statusnom sporu zbog čega se reciprocitet pretpostavlja i nije povrijeđen međunarodni javni poredak.

Obzirom na činjenicu da je predlagatelj rođen u B.i džavljanin B i H., da je brak između vanparničnih stranaka sklopljen dana 28.05.2016. godine pred matičnim uredom Općine Bugojno, Bosna i Hercegovina i isti upisan u matičnoj knjizi vjenčanih koja se vodi za mjesto B. pod rednim brojem godinu, te da je službena zabilješka braka između vanparničnih stranaka upisana u izvodu iz matične knjige rođenih za predlagatelja koja se vodi za mjesto B. pod rednim brojem godinu, to je očigledno da predlagatelj ima pravni interes da se nastala statusna promjena upiše kod nadležnog matičnog ureda u Bosni i Hercegovini, zbog čega je ovaj sud zaključio da je prijedlog osnovan.

Imajući u vidu sve naprijed navedeno ovaj sud je stajališta kako su ispunjeni uvjeti za udovoljenje po prijedlogu za priznanje strane sudske odluke i odlučio je kao u izreci ovog rješenja u skladu sa odredbama članova od 86. do 97. preuzetog Zakona o rješavanju sukoba Zakona sa propisima drugih zemalja u određenim odnosima, koji je preuzet kao republički propis, a potom federalni i koji se primjenjuje u skladu sa članom 458. Zakona o parničnom postupku i člankom 28. stavak 3. točka e) Zakona o sudovima u Federaciji Bosne i Hercegovine.

Na temelju Tarifnog broja 1. točka 10. i Tarifnog broja 2. stavak 1., koji je sastavni dio Zakona o sudskim pristojbama/taksama Kantona Središnja Bosna/Srednjobosanskog kantona, predlagatelj je dana 20.09.2022. godine uplatio sudsku taksu u iznosu od 200,00 KM (dvije stotine konvertibilnih maraka).

Sudija
Nijaz Krnjić

Pouka o pravnom lijeku:

Protiv ovog rješenja stranke mogu izjaviti žalba Vrhovnom sudu Federacije BiH. Žalba se izjavljuje putem ovog suda u 3 primjerka u roku od 15 dana računajući od prijema ovoga rješenja.